

Sarkina Bt Mat Saad @ Shaari

From: Unit Komunikasi Korporat
Sent: Monday, August 10, 2015 3:49 PM
To: UUM - All Staff; UUM - All Students
Subject: Bengkel Strategi Meningkatkan Sitasi



Unit Komunikasi Korporat
CORPORATE COMMUNICATION UNIT

Universiti Utara Malaysia

10 OGOS 2015 / 25 SYAWAL 1436H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Noorhani Ismail
Gambar oleh: Munirah Mat Din

BENGKEL STRATEGI MENINGKATKAN SITASI



UUM ONLINE: Google Scholar, Researchgate dan Academia.edu adalah di antara sistem pangkalan data yang dapat membantu ketampakan (*visibility*) penerbitan akademik individu. Dalam usaha ke arah meningkatkan sitasi penerbitan, para pensyarah disarankan agar dapat membina rangkaian penyelidik di peringkat antarabangsa. Umum mengetahui bahawa sitasi memainkan peranan penting dalam usaha untuk memartabatkan hasil karya para akademik.

Bersesuaian dengan hasrat universiti untuk meningkatkan bilangan sitasi, Pusat Pengurusan Penyelidikan dan Inovasi (RIMC), Universiti Utara Malaysia (UUM) telah menganjurkan Bengkel Strategi Meningkatkan Sitasi pada 5 Ogos 2015 yang lalu di Dewan Angsana, EDC-UUM melibatkan seramai 36 orang pensyarah yang mewakili setiap pusat pengajian. Bengkel ini bertujuan untuk memberi pendedahan secara *hands-on* kepada staf akademik dalam membangunkan akaun profil Google Scholar, ResearchGate, Academia.edu dan lain-lain media sosial.

Seorang penceramah dari Universiti Pendidikan Sultan Idris (UPSI), Dr. Mohamed Nor Azhari Azman telah dijemput untuk memberikan bimbingan serta berkongsi pengalaman luas beliau mengenai sitasi. Beliau mengambil pendekatan '*hands-on*' bersama peserta sepanjang tempoh bengkel tersebut. Pendekatan praktikal ini diharapkan akan memudahkan pemahaman daripada peserta.

Justeru, RIMC berharap agar penganjuran bengkel ini dapat membantu peserta untuk memahami strategi dan kaedah pelaksanaan bagi meningkatkan sitasi artikel jurnal. RIMC turut mensasarkan semua pensyarah untuk mewujudkan akaun profil selewat-lewatnya penghujung Ogos 2015.

=====

DARIPADA:
UNIT KOMUNIKASI KORPORAT
UNIVERSITI UTARA MALAYSIA
TEL.: 04-928 3040/3048/3049/3052
FAKS: 04-928 3053
E-MEL: ukkuum@uum.edu.my
FACEBOOK: Universiti Utara Malaysia (Official FB)

